

Дикачу адамех дош

Ненан Денна лерина

Кавказан лаьмнийн ехачу регІан когашкахь Іуьллуш ю Веданан кІоштара шира юрт Элистанжа. Гуьржийн а, оьрсийн а Іилманчаша шайн тептарш тІехь билгалдоккху иза шина Ахкана юьккѳехь Іуьллуш хилар.

Ширчу а, керлачу а заманашкахь махкана а бевзаш кѳонахий, Іилманчаш, яздархой, Іеламнах бевллон цхьа масал а тоьар дара. Ушурма-шейх, дукхаха болчара шейх-Мансур олу цуьнах, тайпана элистанжо хилла. Кхузара вара халкъан артист Дудаев Муса а. Республика культурно-экономически кхиоран боккхачу балхахь дакъалоцуш а бу кхузара аренга арабевлла дуккха а Іилманан нах, Іедалан гуллакххой.

Цу юьртахь даима а бахархоша лоруш, сий-ларамбеш хилла ю, хІинца а схьа а йогу 104 шо долу йоккхастаг Саиева Іашата.

Вайн махкахь кху деношкахь даздечу ненан дезчу Денна тІе а доьгІна, цуьнах дош алан лаьа тхуна.

Дукха жимчохь йисси на ю Іашата. ЦІечу Эскаре гуллакхдан вахана цІийнада 1936-чу шарахь тІепаза дІавайра цуьнан. Хала хан яра иза. Хийла стаг хІаллак а хуь-

лура, дІа а вовра оцу заманашкахь. Амма цуьнах дог ца дуьллуш, хІинций-хІинций хабар кхетар ду, юхавогІур ву, бохуш, сатийсамца дІадахана цуьнан деха дахар. Шира гІиллакхаш шеггахь долуш оьзданга стаг ша хиларе терра мерацахь, марвешин кертахь дІа а даьхьна цо иза.

Дукха жимчохь дуьйна зуькаршна вовшахьетталучу зуьдарийн тобанан туркх а яра иза. Дахарехь, леларехь зудчун-ламанхочун оьзда гІиллакхаш дендеш схьа а еара иза, шегара цу тІехь массарна а маслш а гойтуш. Дика хьехамча хилла лаьттина Іашата мехкарийн тІеххуьун тІаьхьенаш оьздангаллин ойланехь кхетош-кхиорехь а. Хийла юкъаметтиг тойина, хийла кѳона доьзал дашца а, хьехамца а меттахІоттийна гуллакхашна юкъахь омрий, нехІий (диканиг а, вониг а) дІасакъастон а Іамийна цо кегийнаш.

Шен доккхачу дахарехь дукха Іеламнах бевзина а, царрахь лаьцна дийцан дуккха а

хІуманаш долуш а ю йоккхастаг. Масала, МахкатІерчу авлияца Юсуп-Хьаьжица тоба дина а, захалонан гергарло цуьнца хилла а ю иза.

Цундела Элистанжахь а, лурларчу ярташкахь а хиллачу кѳаноша, баккхийчу муьридаша даима а лорура иза. ХІинца а, иза шайн нанойл башха ца хеташ, тІерикъатан тобанехь болу нах, зияртана тІе а хІуьтту цунна.

Тахана вайн республикехь зуьдарийн а, нанойн а сийлерам бар лакхарчу тІегІане хьаладаьккхина лерамечу Куьйгалхочо Рамзан Кадыровс. Нанна лерина Де а оцу Іалашонна тІехьажийна ду.

Ислам дино а, Іеламнаха а билгалдоккху нана бохун дош мерза стом хилар. Ненан сийдар, ненан хьашташ кхочушдар, цуьнан дог ца дохор, дош ца кагдар сийлахь лору дино.

Наной гуттара а ца лаьтта. Нанойн цхьа чкъор дІадоьду, керланиг гучадолу. Массо а валан везаш ву хІокху дуьне-нахь. Амма муьлххачу кѳо-



нахчунна а дагара дІа ца йолу нана. Иза дийна йолчу хенахь цуьнан сий-лерам ца бинехь доккха байттамал хуьлу, цкъа а дІаерзан йиш йоцун чов а юьссу дагчохь.

Нана дІаяьлчий бен ца хаьа иза. «Нана йолуш верг нана йоцчух кхетар вац», - цундела олуш ду наха.

Вай хьалха а ма аллара, Іеламнах, баккхий муьридаш уьху Саиева Іашатина тІехІиттаран зиярте. Иштта

дукха хан йоцуш и йолчыхь хилира Нохчийн республикан муфти, Бусалбанехан динан урхаллин председателъ Межиев Салахь-Хьаьжа шен гІовсашца.

Дала меле дуьллийла цунна иза!

Лераме Іашата, оха даггара декъалио хьо Ненан денца! Дала кхидІа а яхан, адаманна юкъахь марзо яржон могашалла а, хуььнар а лойла хьуна!

Ш. ХАСАРОВ